



JU KANTONALNA BOLNICA ZENICA DIREKTOR

Adresa: Crkvice 67, 72000 Zenica, Bosna i Hercegovina Direktor: 032 447 010
Centrala: 032 447 000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 32-02-2571/22
Zenica, 04.04.2022. godine.

Na osnovu člana 69. i 70. Zakona o javnim nabavkama ("Službeni glasnik BiH" broj: 39/14), člana 21. Pravilnika o javnim nabavkama JU Kantonalne bolnice Zenica (broj: 20/1-1-17555 od 24.08.2016 godine), direktor Kantonalne bolnice Zenica, donosi

ODLUKU

I

Vrši se odabir ponude ponuđača „BERG“ D.O.O. SARAJEVO, u predmetu nabavke roba - rezervni dijelovi za održavanje medicinske opreme proizvođača Toshiba - ultrazvuci za potrebe JU Kantonalne bolnice Zenica, ukupne vrijednosti 355.399,09 KM bez uračunatog PDV-a na period od 1 /jedne/ godine i dodjeljuje se okvirni sporazum odabranom ponuđaču na procijenjenu vrijednost predmetne nabavke u iznosu od **50.000,00 KM bez PDV-a na period od 1 /jedne/ godine.**

II

Sa odabranim ponuđačem iz stava I, a nakon pravosnažnosti iste, zaključit će se okvirni sporazum na period od 1 /jedne/ godine na ukupnu procijenjenu vrijednost predmetne nabavke u iznosu od 50.000,00 KM bez PDV-a.

III

Javna nabavka je provedena putem otvorenog postupka sa namjerom provođenja e-aukcije (11-30/22).

IV

Ova odluka stupa na snagu danom donošenja.

OBRAZLOŽENJE

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14), Komisija za javnu nabavku roba - rezervni dijelovi za održavanje medicinske opreme proizvođača Toshiba - ultrazvuci za potrebe JU Kantonalne bolnice Zenica, imenovana Odlukom direktora broj: 01-02-202-1/22 od 10.03.2022. god. podnosi direktoru JU Kantonalna bolnica Zenica Izvještaj o provedenom postupku javne nabavke roba- rezervni dijelovi za održavanje medicinske opreme proizvođača Toshiba-ultrazvuci za potrebe JU Kantonalne bolnice Zenica.

Odlukom direktora, broj: 01-02-202/22 od 10.03.2022. godine pokrenut je postupak javne nabavke roba- rezervni dijelovi za održavanje medicinske opreme proizvođača Toshiba - ultrazvuci za potrebe JU Kantonalne bolnice Zenica, ukupne procijenjene vrijednosti 50.000,00 KM bez PDV-a, na jednogodišnjem nivou, otvorenim postupkom, a u skladu sa članom 19. stav (1) Zakona o javnim nabavkama BiH.

Otvoreni postupak je odabran za korištenje iz sljedećih razloga:

Članom 19. stav (1) Zakona o javnim nabavkama propisano je da Ugovorni organi iz člana 4. ovog zakona za dodjelu ugovora o javnoj nabavci primjenjuje otvoreni ili ograničeni postupak kao osnovne i redovne postupke. Obzirom da KB Zenica spada u ugovorne organe iz člana 4. ZJN, smatramo da su ispunjeni uslovi da se provede otvoreni postupak za javnu nabavku roba- rezervni dijelovi za održavanje medicinske opreme proizvođača Toshiba-ultrazvuci za potrebe JU Kantonalne bolnice Zenica

Komisija je na zatvorenom sastanku dana 01.04.2022. godine sa početkom u 12,00 sati utvrdila slijedeće:

- da je na portalu „E-nabavke“ dana 15.03.2022. godine, objavljeno obavještenje o nabavci broj 669-1-1-73-3-104/22 i TD sa namjerom provođenja e-aukcije, te rokom prijema ponuda i javnim otvaranjem ponuda zakazanim za dan 31.03.2022. godine, u 10:00 sati

- Da je planirano zaključivanje okvirnog sporazuma o javnoj nabavci roba sa jednim ponuđačem na period od 1(jedna)godine
- da na portalu „E-nabavke“ nije bilo postavljenih upita vezano za predmetnu nabavku,
- Da je sa portala „E-nabavke“ tendersku dokumentaciju objavljenu 15.03.2022. godine, preuzelo ukupno 5 (pet) potencijalnih ponuđača
- da je javno otvaranje ponuda bilo dana 31.03.2022. godine u 10:00 sati
- da na javnom otvaranju ponuda nisu prisustvovali predstavnici ponuđača,
- da je na (tender, broj: 11-30/22), u predviđenom roku pristiglo ukupno 1 (jedna) ponuda i to ponuda ponuđača:

1. „BERG“ D.O.O. SARAJEVO

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

Redni broj omotnice ponude	Naziv ponuđača	Najniža cijena tehnički zadovoljavajuće ponude
1.	BERG“ D.O.O. SARAJEVO	Ukupna cijena ponude (bez PDV-a): 355.399,09 KM

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava:

USLOVI ZA KVALIFIKACIJU

Ponuđač je dužan u svrhu dokazivanja lične sposobnosti iz člana 45. ZJN BiH dokazati da :

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa izjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač koji bude odabran kao najbolji u ovom postupku javne nabavke je dužan dostaviti slijedeće dokaze u svrhu dokazivanja činjenica potvrđenih u izjavi i to:

- a) izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom

plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 7 (sedam) dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

Ponuđač je dužan u svrhu dokazivanja sposobnosti obavljanja profesionalne djelatnosti iz člana 46. ZJN BiH dokazati da je:

- a.) da je registrovan u relevantnim profesionalnim ili drugim registrima u zemlji u kojoj je registrovan, ili dostavi posebnu izjavu ili potvrdu nadležnog organa kojom dokazuje njihovo pravo da obavlja profesionalnu djelatnost koja je u vezi sa predmetnom nabavkom.
- b.) upisan u registar veletrgovaca lijekova i medicinskih sredstava kod Agencije za lijekove i medicinska sredstva BiH
- c.) ovlašteni distributer za predmet javne nabavke u BiH

U svhu dokazivanja uslova iz tačke a) ponuđač je dužan da dostavi:

- Rješenje o upisu u sudski registr ili Aktuelni sudski izvodak iz sudskog registra ili neki drugi dokument kojim ponuđač nedvosmisleno dokazuje da je registrovan za obavljanje predmetne djelatnosti.

U svrhu dokazivanja uslova iz tačke b) ponuđač je dužan da dostavi:

- aktuelni- važeći dokument/ rješenje o upisu u registar veletrgovaca medicinskih sredstava koji je izdala Agencija za lijekove i medicinska sredstva BiH.

U svhu dokazivanja uslova iz tačke c) ponuđač je dužan da dostavi:

- validna dokumentacija (kopija autorizacije i prevoda autorizacije od strane sudskog tumača) kojom ponuđač dokazuje da je ovlašteni distributer i serviser proizvođača predmetne opreme za BiH, (dostaviti kopije autorizacije i prevoda autorizacije izdate od strane proizvođača opreme);

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmetne nabavke.

Ponuđač je dužan dostaviti navedene dokaze uz ponudu u kopiji.

Ponuđač koji bude odabran kao najbolji u ovom postupku javne nabavke je dužan dostaviti navedene dokaze u originalu ili ovjerenoj kopiji od strane nadležne institucije u roku od 7 /sedam/ dana od dana zaprimanja obavještenja o rezultatima ovog postupka javne nabavke.

Ponuđač je dužan u svrhu dokazivanja ekonomsko i finansijske sposobnosti kandidata (član 47. ZJN BiH) dokazati da:

a) Da je glavni transakcijski bankarski račun ponuđača aktivan i solventan

U svrhu dokazivanja uslova ponuđač je dužan dostaviti:

- Izjavu ovjerenu od strane ponuđača, koja je dostavlja u formi iz Priloga beoj 9. TD, koja ne smije biti starija od 15 /petnaest/ dana od dana predaje ponude i dostavljanje:
- potvrda banke ponuđača da ponuđač ima otvoren i solventan račun kod iste i da je ujedno taj račun glavni, dostavlja se kao neovjerena kopija originala, s tim da datum izdavanja originala ne može biti stariji od 15 dana računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač je dužan da uz zahtjev za učešće dostavi i sljedeća dokumenta (Izjave o uslovima isporuke i garanciji na rezervni dio):

- Izjava ponuđača da su ponuđeni originalni rezervni dijelovi koji su pobrojani u Prilogu broj 2 TD a čiji je sastavni dio Prilog broj 10
- Izjava ponuđača da je garancija na ponuđene rezervne dijelove **minimalno 6 (šest) mjeseci**,
- Izjava ponuđača o roku isporuke u skladu sa tačkom 11. TD
- Lista rezervnih dijelova sa cijenama
- Izjava ponuđača o mjestu isporuke u skladu sa tačkom 10. TD
- Izjava ponuđača o nepromjenjivosti cijena za vrijeme trajanja okvirnog sporazuma
- Izjava ponuđača da pristaje na plaćanje u skladu sa tačkom 32. TD
- Izjava ponuđača o opciji važenja ponude u trajanju do 120 (stotinudvadeset) dana u skladu sa tačkom 22. TD
- Izjava ponuđača da prihvata elektronsku dostavu narudžbi, putem službenog e-maila ponuđača,
- Izjava ponuđača da će nakon odluke o izboru na službeni mail ugovornog organa dostaviti elektronski popunjen obrazac za cijenu ponude (**Excel dokument**) , **Prilog broj 10**.

PONUĐA MORA SADRŽAVATI:

- a) Osnovne podatke o ponuđaču na memorandumu ponuđača (Adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.)
- b) Obrazac za dostavljanje ponude, popunjen, potpisan i ovjeren od strane ovlaštene osobe, sa popisom priložene dokumentacije; **Prilog broj 1**;
- c) Obrazac za cijenu ponude, popunjen, potpisan i ovjeren od strane ovlaštene osobe, **Prilog broj 2**;
- d) Obrazac sa spiskom rezervnih dijelova, sa cijenama - **Prilog broj 10**, popunjen na originalnom dokumentu iz TD;
- e) Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama, ovjerena od strane nadležnog organa (općinskog organa uprave, suda ili notara) u skladu sa tačkom 12.1. TD, **Prilog broj 3**;
- f) Obične kopije dokumenata kojima ponuđač dokazuje ispunjenost uslova iz člana 46. ZJN BIH u skladu sa tačkom 12.2. TD
- g) Izjava o ispunjenosti uslova iz člana 47. stav (1) tačaka od a) do d) i (4) Zakona o javnim nabavkama, ovjeren, potpisan i popunjen od strane ovlaštene osobe, u skladu sa tačkom 12.3. TD, **Prilog broj 9**
- h) Izjave ponuđača ovjerene i potpisane od strane ovlaštene osobe koje su u skladu sa tačkom 12.4. TD
- i) Obrazac izjave o dostavi garancije za uredno izvršenje okvirnog sporazuma, **Prilog broj 4**,
- j) Pismena izjava ponuđača iz člana 52. Zakona o javnim nabavkama ovjerena od strane nadležnog organa (općinskog organa uprave, suda ili notara), **Prilog broj 5**,
- k) Obrazac povjerljive informacije, **Prilog broj 6**,
- l) Potpisan i ovjerene i uredno popunjen Nacrt okvirnog sporazuma, **Prilog broj 7**,
- m) Obrazac izjave o prihvatanju općih i posebnih uslova tenderske dokumentacije, **Prilog broj 8**,
- n) Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude.

KOMISIJA KOJA PROVODI PREDMETNU JAVNU NABAVKU KONSTATUJE DA JE PONUĐAČ „BERG“ D.O.O. SARAJEVO UZ PONUDU ZA NABAVKU ROBE – REZERVNI DIJELOVI ZA ODRŽAVANJE MEDICINSKE OPREME PROIZVOĐAČA TOSHIBA – ULTRAZVUCI ZA POTREBE JU KANTONALNA BOLNICA ZENUCA, DOSTAVIO SLJEDEĆE DOKUMENTE, I TO:

- Original ponuda broj P032/22-Rezervni dijelovi za održavanje medicinske opreme proizvođača TOSHIBA ultrazvuci, na memorandumu ponuđača, potpisano i ovjereno od strane ovlaštene osobe ponuđača,
- Osnovni podaci o ponuđaču, na memorandumu ponuđača, potpisano i ovjereno od strane ovlaštene osobe ponuđača,
- Obrazac za dostavljanje ponude, uredno popunjen, potpisan i ovjeren od strane ovlaštene osobe

- ponuđača, **Prilog broj 1.**
- Specifikacija dokumentacije, potpisano i ovjereno od strane ovlaštene osobe ponuđača
- Obrazac za cijenu ponude, uredno popunjen, potpisan i ovjeren od strane ovlaštene osobe ponuđača, **Prilog broj 2.**
- Specifikacija/spisak rezervnih dijelova sa kataloškim brojevima i jediničnim cijenama u KM bez PDV-a, **Prilog broj 10,** potpisano i ovjereno od strane ovlaštene osobe ponuđača;
- Pismena izjava iz člana 52. Zakona o javnim nabavkama, popunjena, potpisana i ovjerena od strane ovlaštene osobe ponuđača i ovjerena kod nadležnog organa 18.03.2022. godine, **Prilog broj 5.**
- Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama BiH, popunjena, potpisana i ovjerena od strane ovlaštene osobe ponuđača i ovjerena kod nadležnog organa 18.03.2022. godine, **Prilog broj 3.**
- Uvjerenje **Općinskog suda** u Sarajevu, broj: 65 0 Kr 22 004107 od 16.03.2022. godine o činjenicama iz službene evidencije u smislu **člana 45. stav 2. tačka a. ZJN u BiH,** kopija potpisana i ovjerena od strane ovlaštene osobe ponuđača i ovjerena kod nadležnog organa 18.03.2022. godine
- Uvjerenje **Suda BiH** u Sarajevu, broj Su: 03-1963/22 od 11.03.2022. godine, kojim se potvrđuje da protiv pravnog lica "BERG" Privredno društvo za trgovinu i usluge d.o.o. Sarajevo, nije izrečena pravosnažna osuđujuća presuda za krivična dijela organizovanog kriminala, prevaru, korupciju i pranje novca pred Sudom Bosne i Hercegovine, a sve u smislu **člana 45. stav 2. tačka (a) ZJN,** kopija potpisana i ovjerena od strane ovlaštene osobe ponuđača i ovjerena kod nadležnog organa 18.03.2022. godine
- Uvjerenje **Općinskog suda** u Sarajevu, broj: 065-0-R-22-00593 od 16.03.2022. godine o činjenicama iz službene evidencije u smislu **člana 45. stav 2. tačka b. ZJN u BiH,** kopija potpisana i ovjerena od strane ovlaštene osobe ponuđača i ovjerena kod nadležnog organa 18.03.2022. godine
- Uvjerenje **Općinskog suda** u Sarajevu, broj: 065-02-SU-22-001335 od 16.03.2022. godine, da ne postoji dug u registru novčanih kazni i da nije izrečena zaštitna mjera zabrane obavljanja djelatnosti, te u smislu člana 103. Zakona o prekršajima Federacije BiH ne postoji smetnja učestvovanja na javnim tenderima, kopija potpisana i ovjerena od strane ovlaštene osobe ponuđača i ovjerena kod nadležnog organa 18.03.2022. godine
- Uvjerenje Uprave za indirektno-neizravno oporezivanje, Regionalni centar Sarajevo, broj: 02/6/II-16-11-20-2262/22 od 11.03.2022. godine, da ponuđač nema dospjelih a neizmirenih obaveza po osnovu indirektnih poreza, ostalih prihoda i taksu definisanih odredbama člana 1. stav (2) Zakona o sistemu indirektnog oporezivanja i člana 1. stav (3) Zakona o uplatama na Jedinstveni račun i raspodjeli prihoda, kopija potpisana i ovjerena od strane ovlaštene osobe ponuđača i ovjerena kod nadležnog organa 18.03.2022. godine
- Uvjerenje Porezne uprava FBiH, Kantonalni porezni ured Sarajevo, Porezna ispostava Novo Sarajevo, broj: 13-9/3-12-5-1889/22 H.M. od 17.03.2022. godine, da poreznik nema duga po osnovu javnih prihoda, da nema duga po osnovu doprinosa za penzijsko-invalidsko osiguranje, zdravstveno osiguranje i osiguranje od nezaposlenosti i ostalih direktnih poreza, kopija potpisana i ovjerena od strane ovlaštene osobe ponuđača i ovjerena kod nadležnog organa 18.03.2022. godine
- Aktuelni izvod iz sudskog registra, Općinski sud u Sarajevu, broj: 065-0-RegZ-22-002848 od 16.03.2022. godine kopija potpisana i ovjerena od strane ovlaštene osobe ponuđača i ovjerena kod nadležnog organa 18.03.2022. godine
- Rješenje Agencije za lijekove i medicinska sredstva BiH, broj: 10-07.12-6-9019-1/18 od 14.12.2018. godine o upisu ponuđača u Registar veleprometnika medicinskih sredstava, kopija potpisana i ovjerena od strane ovlaštene osobe ponuđača i ovjerena kod nadležnog organa 18.03.2022. godine
- Rješenje Agencije za lijekove i medicinska sredstva BiH, broj: 10-07.12-6-9019-3/18 od 08.04.2019. godine o izmjeni rješenja o upisu, broj: 10-07.12-6-9019-1/18 od 14.12.2018. godine, kopija potpisana i ovjerena od strane ovlaštene osobe ponuđača i ovjerena kod nadležnog organa 18.03.2022. godine
- Autorizacija proizvođača Canon, na engleskom jeziku, kopije potpisane i ovjerene od strane ovlaštene osobe ponuđača i ovjereno kod nadležnog organa 18.03.2022. godine
- Autorizacija proizvođača Canon, na bosanskom jeziku, kopije potpisane i ovjerene od strane ovlaštene osobe ponuđača i ovjereno kod nadležnog organa 18.03.2022. godine
- Izjava o ispunjenosti uslova iz člana 47. st. (1) tačaka od a) do d) i (4) ZJN, popunjena, potpisana i ovjerena od strane ovlaštene osobe ponuđača, **Prilog broj 9**
- Potvrda izdata od Raiffeisen BANK Glavna filijala Sarajevo, broj: 00847/22 od 14.03.2022. godine, da glavni račun ponuđača nije blokiran, kopija potpisana i ovjerena od strane ovlaštene osobe ponuđača i ovjerena kod nadležnog organa 18.03.2022. godine,
- Izjava ponuđača da su ponuđeni originalni rezervni dijelovi koji su pobrojani u prilogu 2, a čiji je sastavni dio Prilog 10, potpisana i ovjerena od strane ovlaštene osobe ponuđača,

- Izjava ponuđača da je garancija na rezervne dijelove 6 (šest) mjeseci, potpisana i ovjerena od strane ovlaštene osobe ponuđača,
- Izjava ponuđača da će isporuka rezervnih dijelova da se izvrši u roku od 30 (trideset) dana od dana ispostavljanja narudžbenice, potpisana i ovjerena od strane ovlaštene osobe ponuđača,
- Izjava ponuđača da je mjesto isporuke robe-rezervnih dijelova Javna- ustanova Kantonalna- bolnica Zenica, Crkvice 67, 72000 Zenica, potpisana i ovjerena od strane ovlaštene osobe ponuđača,
- Izjava ponuđača da se cijene date u njihovoj ponudi neće mijenjati za vrijeme trajanja okvirnog sporazuma, potpisana i ovjerena od strane ovlaštene osobe ponuđača,
- Izjava ponuđača da će se plaćanje vršiti u roku od 60 (šezdeset) dana od dana prijema fakture i da u toku trajanja okvirnog sporazuma nema avansnog plaćanja, potpisana i ovjerena od strane ovlaštene osobe ponuđača,
- Izjava ponuđača da njihova ponuda važi 120 (stotinudvadeset) dana tj. do 31.07.2022. godine, potpisana i ovjerena od strane ovlaštene osobe ponuđača,
- Izjava ponuđača da prihvataju elektronsku dostavu narudžbe, putem službenog maila: prodaja@berg.ba, potpisana i ovjerena od strane ovlaštene osobe ponuđača,
- Izjava ponuđača da se obavezuje da će, ukoliko njihova ponuda bude ocijenjena kao najpovoljnija, dostaviti putem maila ugovornom organu elektronski popunjen obrazac za cijenu ponude (excel document), **Prilog broj 10**, potpisana i ovjerena od strane ovlaštene osobe ponuđača
- Obrazac izjave o dostavi garancije za uredno izvršenje okvirnog sporazuma, potpisan i ovjeren od strane ovlaštene osobe ponuđača, **Prilog broj 4**.
- Nacrt okvirnog sporazuma, popunjen potpisan i ovjeren od strane ovlaštene osobe ponuđača, **Prilog broj 7**.
- Obrazac izjave o prihvatanju općih i posebnih uslova tenderske dokumentacije, potpisan i ovjeren od strane ovlaštene osobe ponuđača, **Prilog broj 8**.
- Povjerljive informacije, potpisano i ovjereno od strane ovlaštene osobe ponuđača, **Prilog broj 6**.

Analizom ponude ponuđača „BERG” D.O.O. SARAJEVO, Komisija koja provodi predmetnu javnu nabavku robe – rezervni dijelovi za održavanje medicinske opreme proizvođača Toshiba – ultrazvuci za potrebe JU Kantonalna bolnica Zenica utvrdila je da je dostavljena ponuda uvezana na način propisan TD, da je ponuđač dostavio „ORIGINAL“ ponude kako je traženo TD u skladu sa tačkom 14.TD, da je imenovani dostavio sve tražene dokumente, obrasce, izjave, ovjerene od strane nadležnog organa i ovlaštene osobe, prema uputama i uvjetima postavljenim u TD, a iz svega se može utvrditi da ponuđač „BERG” D.O.O. SARAJEVO ispunjava uslove u pogledu:

- lične sposobnosti iz člana 45. ZJN BiH a u vezi sa tačkom 12.1. TD,
- profesionalne djelatnosti iz člana 46. ZJN BiH a u vezi sa tačkom 12.2. TD,
- ekonomske i finansijske sposobnosti iz člana 47. ZJN BiH u vezi sa tačkom 12.3. TD,
- te su dostavljene sve izjave ponuđača u skladu sa tačkom 12.4. TD

Komisija koja provodi predmetnu javnu nabavku uvidom u dostavljenu ponudu je konstatovala da je ponuđač u cjelosti ispunio postavljene uslove iz tačke 12.1. TD, te u slučaju ako imenovani bude odabran Odlukom kao najpovoljniji ponuđač neće biti dužan dostavljati dokumentaciju kojom dokazuje uslove iz člana 45. ZJN BiH obzirom da su isti sastavni dio dostavljene ponude u predmetnoj javnoj nabavci.

Obzirom da je procjenjena vrijednost znatno manja od date cijene u ponudi, ista je prihvatljiva Ugovornom organu jer se kao sastavni dio ponude na strani od 8. do 11. nalazi spisak svih rezervnih dijelova po ovoj predmetnoj nabavci sa datim jediničnim cijenama koje će biti nepromjenjive za vrijeme važenja predmetnog okvirnog sporazuma, te će se isto povlačiti iz okvirnog sporazuma po datim jediničnim cijenama do procjenjene vrijednosti.

Prema svemu gore navedenom ponuda ponuđača „BERG” D.O.O. SARAJEVO u predmetu nabavke robe – rezervni dijelovi za održavanje medicinske opreme proizvođača Toshiba – ultrazvuci za potrebe JU Kantonalna bolnica Zenica u cjelosti ispunjava uslove postavljene u TD i kao takva prihvatljiva je ugovornom organu u cjelosti.

U tenderskoj dokumentaciji za nabavku roba- rezervni dijelovi za održavanje medicinske opreme proizvođača Toshiba - ultrazvuci za potrebe JU Kantonalne bolnice Zenica na period od 1 (jedne) godine JRJN oznaka predmeta nabavke: 34913000-0-Razni rezervni dijelovi, ukupna procjenjena vrijednost nabavke iznosi 50.000,00 KM, bez uračunatog PDV-a

Kriteriji za dodjelu ugovora je: a) Najniža cijena tehnički zadovoljavajuće ponude

Također, tenderskom dokumentacijom planirano je provođenje e-aukcije.

Obzirom da je nakon provjere kvalificiranosti ponuđača utvrđeno da samo jedan ponuđač ispunjava kvalifikacione uslove tražene TD, provođenje e-aukcije u tom se slučaju ne provodi iz objektivnih razloga, u skladu sa odredbama Pravilnika o uslovima i načinu korištenja e-aukcije (Službeni glasnik BiH, broj: 66/16) i kriterijima za dodjelu ugovora definisanim tenderskom dokumentacijom.

Komisija je izvršila vrednovanje jedine dostavljene ponude:

R. BR. PONUDE	PONUĐAČ	CIJENA bez PDV-a
1.	„BERG“ D.O.O. SARAJEVO	Ukupna cijena ponude (bez PDV-a): 355.399,09KM

Procijenjena vrijednost nabavke je 50.000,00 KM bez PDV-a.

Obzirom da je za javnu nabavku robe: rezervni dijelovi za održavanje medicinske opreme proizvođača Toshiba - ultrazvuci za potrebe JU Kantonalna bolnica Zenica (otvoreni postupak, broj: 11-30/22) pristigla samo jedna kvalificirana ponuda, da se zakazivanje i provođenje e-aukcije u tom slučaju ne provodi iz objektivnih razloga, shodno utvrđenoj rang listi, Komisija koja provodi predmetnu javnu nabavku jednoglasno daje preporuku direktoru JU Kantonalne bolnice Zenica da za nabavku robe: rezervni dijelovi za održavanje medicinske opreme proizvođača Toshiba - ultrazvuci za potrebe JU Kantonalna bolnica Zenica (otvoreni postupak, broj: 11-30/22) izvrši odabir ponude i donese odluku o dodjeli okvirnog sporazuma na period od 1 (jedne) godine na ukupnu procijenjenu vrijednost nabavke u iznosu od 50.000,00 KM bez PDV-a sa datim jediničnim cijenama ponuđaču „BERG“ D.O.O. SARAJEVO kao jedinom prihvatljivom i kvalificiranom ponuđaču.

Na osnovu gore navedenog, donesena je odluka kao u dispozitivu.

POUKA O PRAVNOM LIJEKU:

Protiv ove odluke može se uložiti žalba
Kantonalnoj bolnici Zenica u roku od 10 /deset/
dana od dana prijema iste.



DIREKTOR

Prof.dr.sc.prim Skomorac Rasim

Amela J. Ameljevic

[Handwritten signature]

[Faint, illegible handwriting]